



嘯亭雜錄卷五

目錄

五大臣

范文肅公厚德

何溫順公

費直義公

揚武勳王

禮烈親王壽

洪文襄之降

嘯亭雜錄 卷五 目錄

洪文襄款客

蔣文肅入場

敬一主人

士國寶

先惠順王神力

阿哩瑪

褚庫巴圖魯

圖文襄公用兵

湯文正公



朱檢討上書事

王太倉上書事

紅蘭主人

愛公知人

張文端代作詩

高江村

戴學士

雞公山

先良王善知人

嘯亭雜錄

卷五目錄

先良王大溪灘之捷

張鳳陽

吳留村

成容若

韓大任

趙勇略

南征小校

索明二相博古

索家奴

圖爾泰

吳廷楨

噶里母

施青天

劉孝廉

德濟齋夫子

德濟齋建園亭

醉公

先修王善書

嘯亭雜錄

卷五目錄

徐文定公

史文靖公

鄂西林用人

漢人任滿缺

傅閣峰尙書

佟國舅恭謹

年羹堯

岳威信獲罪始末

方靈臬

安王好文學

婁真人

勇健軍

蔣生

劉海峰

橫門侍郎

先恭王家訓

劉文正公

劉文清公

嘯亭雜錄

卷五 目錄

衛司空

朱文端公救舒文襄

盛司寇

阿文成公用人

阿文成公相度

舒文襄公豫定阿逆之叛

奎壯烈

克勤郡王墓

阿文成公用兵

嘯亭雜錄卷五

汲修主人著

五大臣

國初

太祖時以瓜爾佳信勇公

費莪東

鈕祜祿宏毅公

額亦都

董鄂溫

順公

何和理

佟忠烈公

扈爾漢

覺羅公

安費揚古

為五大

臣軍國重務皆

贊決焉

范文肅公厚德

嘯亭雜錄

卷五 五大臣

范文肅公厚德

范文肅公

文程

宋忠宣公裔

國初仗劍謁軍門

太祖曰名臣後宜厚待遵化四城之役公守灤州獨闔郡保全

大兵入關公參幃帷勸睿忠王秋毫無犯為明帝發喪並護

送倪文貞公靈柩南歸忠義皆褒獎之初定賦稅有司欲

以明末練餉為殿最公曰明由酷苛小民激成流寇豈可

復蹈其誤因以萬厯中徵冊為準歲減數百萬兩民賴以

蘇故其簪纓鼎盛為八旗巨室

何溫順公

高廟初滿洲軍尙寡時董鄂溫順公諱何和理者爲琿春部長兵

馬精壯雄長一方

上欲藉其軍力延置

興京款以賓禮以公主妻之乃率兵馬五萬餘歸降薩爾濟
之役卒敗明師者皆公力也其前妻聞其尙主怒掃境出

與戰

高廟回諭之然後罷兵降今襲世酋者皆公主所出其前妻所生
不許列名國語呼爲額赫媽媽譏鮮德讓風也

費直義公

嘯亭雜錄

卷五 何溫順公 費直義公

費直義公英東瓜爾佳氏爲蘇完部長

國初首先歸順先恭王聞其孫哈達哈言公病終時有侍衛
某乞假歸里回

興京路遇大風霾某下馬伏地見風中火燄烈然有數百小
蛇附風而行已而見巨蟒徑如甕某方慄聞巨蟒呼曰
汝非某侍衛乎吾乃費英東之魄本由翼宿降生今歸本
垣汝歸奏

聽睿員勒勿以吾爲念也語畢蜿蜒而去風息侍衛歸公薨已

二日矣

揚武勳王

余外祖舒穆祿武勳王

揚古利

以開國功封王尚主為異

姓臣冠晚年從

文廟征朝鮮大捷後巡視山谷大霧中伏弩而殞按北齊書韓賢

破木蘭後檢閱甲仗有餘賊藏屍邊待賢近舉刀斫之中

脛而卒與王事類

禮烈親王肅

先烈親王與鄭莊親王征輝發夜間大霧頓生光燄鄭王

欲旋師先烈王曰焉知不為破敵之兆因整師進卒滅其

嘯亭雜錄

卷五

揚武勳王

禮烈親王肅

洪文襄之降

三

國今余邸中囊頂皆懸生鐵明鏡於上異他旗

按定制囊頂皆用銅

火誌瑞也

洪文襄之降

范冢宰

建豐

言洪被擒時

文廟命先文肅公往說洪謾罵不已文肅善言撫之因與談論今

古事適梁間積塵落洪襟袖間洪屢拂拭文肅遽辭歸奏

文廟曰承疇不死矣其敝衣猶愛惜若此况其身耶後果降

洪文襄款客

文襄晚年謝事有同鄉士人謁公拒不見士人歸旅邸晚

間道傳相國回拜已至門矣士人趨出公降輿握手作寒
温語久之入則珠簾繡幕華燈輝熠肴饌備陳公延客入
席陪坐者皆一時名士既而笙管續紛伶工演劇酒數行
罷公起告辭士人送出公又辭讓須臾乃登輿去士人返
舍則寒燈如豆破壁頽垣如故也或云公既失政柄獨居
侘傺將略無所用時藉小事發泄之多類此

蔣文肅入場

蔣文肅

赫德

初名元恆永平灤州人爲諸生卽善望氣術

明天啟丁卯公赴科場夜聞明遠樓鼓聲驚曰此頽敗之
嘯亭雜錄

卷五

洪文襄款客

蔣文肅入場

四

音國安能久不終闔而去遊九邊云土氣聚於遼瀋其間
必生

聖人逾年

文廟入關公杖策軍門

上閱其文喜之因改今名遂攜出塞不數載大拜

敬一主人

敬一主人諱

高塞

文廟七子也封鎮國公世居

盛京主人善文翰詩多清警愛醫巫閭山夏日嘗讀書其間

有遼東丹王之風常孰名士孫赤崖賜以事戍吉林主人
留邸數載遇赦始歸其愛才如此有壽祺堂集行世源洋
池北偶談採其詩

土國寶

土國寶者明太湖盜也

國初歸降洪文襄公薦授蘇州巡撫性殘暴一時搢紳故老

咸被其害又因抗糧案株連生員數百盡行斥革後又交

通鄭氏欲以地叛爲制府麻文僖公勒吉所知因盡搬調

兵馬糧餉赴江甯露章劾之國寶偵知欲逃城門已閉夫

嘯亭雜錄

卷五

主人

土國寶

先惠順

五

婦盜死鐘樓中外快之

先惠順王神力

國初諸王披堅執銳撫定遼瀋先烈親王諸子中如克勤郡

王穎毅王平定山左各著勞績惟先惠順王以年幼未從

軍然天授神勇衆罕與匹生有鬚鬣數十輩人咸異之順

治中有喀爾喀使臣至與近臣角觝俱莫能攫王聞之請

於烈王僞爲護衛入與使臣鬪應手而仆

世祖大悅賞賚無算時年甫弱冠也後嘗告人曰此間殊寂寞

人未若諸天樂烈王方訝爲不祥未逾年薨

阿里瑪

國初有驍將阿里瑪能自握其髮足懸於地又能舉

盛京寶勝寺之石獅重踰千斤戰功甚鉅入京後所爲多不

法

章廟欲置於法恐其難制有巴圖魯告者勇亞於阿

命往擒之占至阿邸故與語猝握其指阿怒以手拂占擲於庭外

數十武曰汝何等人敢與吾鬪占以

上命告阿笑曰好男兒安惜死爲何用紿也因受縛坐車赴市曹

至宣武門阿曰死則死耳余滿洲人終不使漢兒見之誅

嘯亭雜錄

卷五

阿里瑪

褚庫巴圖魯

六

於門內可也以足絆城門竊洞開車不能行行刑者從其
言阿延頸受戮其頸如鐵刀不能下阿自命占以佩刀割
其筋然後伏法亦一奇男子也

褚庫巴圖魯

褚庫巴圖魯姓薩爾圖氏少爲先烈親王牙將勇冠一時
攻宣化府城首登其堞頸爲明兵所刃公左手撫額右手
猶手刃數人僵於城側氣僅屬城因以破醫云其喉未斷
使婦女撫吸其氣猶可生命妓如法治之縫其頸果復生

至順治中從

世祖幸

南苑轡弓逐獸馬蹶頸復斷遂卒

圖文襄公用兵

圖文襄公諱海馬佳氏輔翊

世祖

聖祖功業卓然初為中書舍人負寶從

世祖之

南苑

上心識之立授內閣學士不數年洊至大學士康熙初奏茅麓山

嘯亭雜錄

卷五

圖文襄公用兵

之捷甲寅冬吳三桂既叛察哈爾復蠢動事聞

聖祖憂之

孝莊文皇后曰圖海才略出眾曷任之

上立召公授以將印時諸禁旅皆南征宿衛盡空公奏請選八旗

家奴之健勇者得數萬人公令異日聚德勝門是日黎明

公至教場檢閱畢疾趨以行不許夜宿每至州縣村堡令

眾奴掠之獲金寶無算不數日抵察哈爾下令曰前此所

掠皆土庶家不足為寶今察哈爾承元後數百年之基珠

玉貨寶不可勝計汝等終身富貴也眾踴躍夜圍其穹廬

察哈爾部長布魯額不及備擒之公分散財帛獎勵士卒

而歸

陛見時

仁廟責其擄掠宣府等郡縣以有司劾章示之公謝罪曰臣實無

狀然以輿儻之賤禦方強之敵若不以財帛誘之何以得

死力然

上待臣奏績而後責之實

上之明也

仁廟大悅曰朕亦知卿必有所爲也

嘯亭雜錄

卷五

圖文襄公用兵 湯文正公

復命公西征

湯文正公

湯文正公斌撫吳時以清介自勵下屬有貪酷者皆善爲

勸勉不改始以法懲之郭總憲瑋時任吳江令以貪黷聞

公檄至省勵以貞廉郭曰琇所以貪者以供前任某撫軍

之慾也今公旣清廉自矢請寬一月期如猶昔請立賞典

刑歸自洗其堂廡曰前令郭琇已死今又一郭琇也政爲

之一變公首薦於朝卒爲名臣徐簾事汧徇明節其子俟

齋昭法不仕本朝隱於支硎山中公屏除騶從徒步訪之

侯齋辭以疾公徘徊門外久之始延入待以粗糲公爲醉飽時人兩賢之

仁廟初南巡公引

駕自盤門入門爲吳郡中最冷落者曰無使

上知吳俗奢有損

聖德又請免漕糧數千百石吳民至今感之時納蘭太傅

明珠掌

朝柄前撫軍某歲以萬金餽之公終年不投一刺明銜之

會立

東宮明言於

嘯亭雜錄

卷五

湯文正公

朱檢討上書事

九

仁廟曰前星春秋方盛不可不以正人導之如湯某其選也

仁廟遂召公以尚書銜守詹事府事入輔

東宮公素嚴正多所建白人咸疾之嘗待漏朝房衆方促膝

歡語見公至皆走散終日無一人與語者公笑謂人曰吾

今入啞人國矣明憲怨不釋命翁尚書叔元明章劾公

上知其忠優容之一日赴黃木廠查木歸晚猶健飯次早卒薨人

以爲明陰遣人魘之也乾隆中

特旨追謚文正

朱檢討上書事

朱檢討天保字鶴田滿洲人中康熙癸巳進士入詞林父

朱爾訥任兵部侍郎時理密親王既廢儲位久虛廉親王允禩覬其位揆敘王鴻緒等復左右之欲陰害理密親王

檢討深憂之具疏曰

皇太子雖以疾廢然其失良由左右非人習於驕抗若遺碩

儒名臣如趙申喬等輔導之潛德日彰猶可復問

安視膳之事儲位重大未可輕移恐生藩臣覬覦則

天家骨肉之禍有不可勝言者疏成欲上以侍郎公在徘徊久

之侍郎公察其情曰忠孝未可兩全汝捨孝全忠可也趨

嘯亭雜錄

卷五

朱檢討上書事

十

之入告時

仁廟幸湯山公早出德勝門有鴉百數棲馬前似阻其行者公揮

之去疏上

仁廟歛歎久之近臣阿靈阿素爲允禩黨曰朱某之疏爲希異日

龍蹠耳

上大怒置公於法侍郎公荷校死而理邸得以壽終

王太倉上書事

理密親王廢後

仁廟命衆王大臣保立東宮時允禩黨羽布中外王鴻緒後至手

書八字以視衆衆遂共保廉親王爲儲位

仁廟震怒問首謀之人衆莫敢對以馬大傅齊銜名居首擬大辟

因謂衆曰朕必立一剛堅不可奪之人爲天下共主蓋謂
憲廟也衆莫測

上意王太倉相國揆年七十餘自念受恩深當言天下第一事又

以祖文肅公錫簡於明以建儲事受惡名遂於丁酉五月

密奏建儲事懇懇數千言疏留中是年冬又有上言建儲
者

上不悅並發公疏命內閣議處忌公者引馬太傅故事欲陷公以

嘯亭雜錄

卷五 王太倉上書事

十二

死公止宮門外不敢入

聖祖顧左右問王揆何在首輔李安溪光地奏揆待罪宮門

上曰王揆言甚是但不宜命御史同奏蹈前明惡習汝等稟擬處

分太重可速召其來公聞命趨入免冠謝

上坐乾清宮手招令前耳語良久人不能知後五年辛丑正月公

復疏前事語加激切三月十三日又有御史柴謙等十三

人亦上疏如公言

聖祖震怒召集諸王大臣

降旨責公植黨希恩並令覆奏舉朝失色公就宮門階石上裂生

紙以唾濡臺奏臣伏見宋仁宗爲一代賢君而晚年立儲
猶豫其時名臣如范鎮包拯等皆交章切諫臣愚信古太
篤妄思效法古人實未嘗妄嗾臺臣共爲此奏奏上待罪
五日

詔王掞應誦成軍臺姑念年老免行著其子王奕清隨諸御史代
父往時滿漢文武期門宿衛以至儒士耆民無不代公危
者至是齊向公賀明年元旦諸大臣上壽無公名

聖祖發還劄子命列公名以進隨

賜宴太和殿畢再

嘯亭雜錄

卷五

王太倉上書事

紅蘭主人

五

召見東暖閣

賜坐命起原官視事如初

紅蘭主人

紅蘭主人諱

岳端

安親王子安節王弟善詩詞崇德癸未

饒餘王曾率兵伐明南略地至海州其邸中多文學士安

王命教諸子弟故康熙間宗室文風以安邸爲最盛延沈

方舟

濟

等爲上賓方舟妻朱氏名柔然亦工詩遲方舟久

不歸作杭州圖奇之主人爲題詩云應憐夫婿無歸信翻

畫家山遠寄來沈即日東裝南旋當時傳爲佳話主人嘗

選郊島詩爲寒瘦集行世以宗藩貴冑慕二子之詩可謂高曠矣

愛公知人

英誠公諱

愛星阿

揚武勳王孫也偕吳三桂入緬擒獲明

桂王由榔有功任領侍衛內大臣初索相國

額圖

以椒房

擅寵明太傅

珠

時爲侍郎因結索公見知於

仁廟愛公謂索曰吾視明公材智在君上今雖因君見用志殊有

所畏懷蓋忌公也他日齟齬公者必明索不悟後明太傅

招引高江邨徐健菴輩爲黨索爲所擠落職抑鬱以終如

嘯亭雜錄

卷五

愛公知人

張文端代作詩

十三

愛公所料

張文端代作詩

王文簡公

士禎

詩名重當時浮沈粉署張文端公

英

值

南書房代爲延譽

仁廟亦素聞其名

召入面試漁洋詩思本遲加以部曹小臣仁觀

天顏戰慄不能成一字文端公代作詩草撮爲丸置案側漁洋得

以完卷

上閱之笑曰人言王某詩多丰神何整潔殊似卿筆文端公謝曰

王某詩人之筆定當勝臣多許

上命改官詞林因得置高位漁洋感激終身曰是日微張某余幾

曳白矣

高江村

高江村

士奇

華亭人家貧鬻字為活納蘭太傅

明珠

愛其

才薦入

丙廷

仁廟亦愛之遇

巡狩出獵皆命江村從故江村詩曰身隨翡翠叢中列隊入鵞黃

肅亭雜錄

卷五

高江村

十四

帶裹行蓋紀實也江村性趨巧遇事先意承旨皆愜

聖懷一日

上出獵馬蹶意殊不懌江村聞之故以瀦泥汙其衣入侍

上怪問之江村曰臣適落馬墜積瀦中未及浣也

上大笑曰汝輩南人懦弱乃爾適朕馬屢蹶竟未墜意乃釋然又

嘗從登金山

上欲題額濡毫久之江村擬江天一覽四字於掌中趨前

磨墨微露其跡

上如所擬書之其迎合類如此

戴學士

戴學士梓字文開浙江仁和人少有機悟自製火器能擊

百步外先良王南征時公布衣從軍獻連珠火礮法下江

山縣有功王承

制授以道員劄付

仁廟召見喜其能文

命以學士銜直南書房公善天文算法與洋人南懷仁詰論懷仁

為之屈忌之因誣公通東洋

上大怒遣戍黑龍江後赦還卒於旅邸人共惜之

嘯亭雜錄

卷五

戴學士

雞公山

先良王善 十五

雞公山

先良親王南征於雞公山與耿逆接戰若有神兵助順中

披髮仗劍者疑即真武神王請立廟祀之見池北偶談

先良王善知人

先良王率兵討耿逆多識智勇非常之士有拔自行伍間

者姚制府

啟聖

吳留村

興祚

皆縣令王優待之不數年薦

為封疆大吏賴征南

塔

黃總兵

大賴

藍將軍

理揚昭武

皆至專閫黃有黑甲重三百餘斤王凱旋時黃持以為餽

余少時猶見之鐵光照耀雖勇夫著之不能行數武將軍

之勇可見矣

先良王大溪灘之捷

良王進師衢州賊將馬九玉據大溪灘

又名大極灘

以遏

我師王身先諸將賊佚起草莽短兵相接轉戰竟日王坐古廟側指揮三軍轟旗爲火槍擊穿者數十護衛負寺扉以庇二內監聞槍箭聲懼曰溢於廟王饑進食典膳者方割肉爲槍所斃王談笑宴如我兵踴躍擊賊大敗去九王斂兵不出戰偃旗鼓一日夜行數百里抵江山縣王曰若不乘銳攻之使賊有備曠日持久非計也乃乘月下攻

嘯亭雜錄

卷五

先良王大溪灘之捷

張鳳陽

十六

縣立下常山降直抵仙霞嶺嶺下有浚溪賊目金應虎拘船於對岸我兵不能渡王躊躇假寐夢先烈王撫王背曰此豈宴安時耶繞灘西上數里淺處可涉如是者再王怦然醒遣將至上流覓淺處而渡賊以爲兵從天下不戰而潰

張鳳陽

康熙中余邸包衣人張鳳陽交結言路專擅權勢妄以魯朱家郭解自居時諺曰要做官問索三要講情問老明其任之暫與長問張鳳陽蓋謂張及明索二公也張嘗憩於

郊有某中丞騶卒至呵張起立張睨視曰是何齷齪官敢
威儀若是未逾月某中丞遭白簡納蘭太傅高江村等款
待賓客鳳陽裊裘露頂踞上位其結納如此先良王知其
行會先外祖董鄂公忤鳳陽鳳陽率其徒入外祖宅拆毀
堂簾外祖公奔告王王燕見

仁廟時遂免冠奏

上曰汝家人可自治之王歸呼鳳陽至立斃杖下未逾時而
孝惠章皇后之懿旨至命免鳳陽已無及矣京師大悅

吳留村

嘯亭雜錄

卷五

吳留村

十七

吳大圭紹興人明末負販遼東先烈王收爲幕客掌會計
事任頭等護衛邸中皆呼爲蠻宰子興祚字留村以乙榜

知無錫縣有惠政因忤上官罷落拓江淮閒遇良王南征
公杖策進謁王大喜立授同知劄付命攻紫琅山下之承

制授太守時吳逆將韓大任敗走吉安擁衆數萬犯汀州閩中大

震公啟王曰此可折簡招也因輕裘率數騎入大任軍叩

其壘大任延入公長揖畢仰天大哭大任驚問公曰吾來

生弔將軍安得不哭將軍所以威行海內者以吳王待將

軍如心腹託以專閫深信不疑數年之間屢爲官兵所敗

鋌而走險南康王擁告捷之師挾久逸之衆破將軍如摧枯拉朽將軍丘皎身辱孤軍南下何以復見吳王是死期已近僕安得不豫弔大任遲迴久之曰然則歸降康王若何公曰祚之來實王使以迂將軍請解甲歸朝可保全名大任悟乃率衆降王大喜曰公此行何異汾陽之見回紇也公歷任至兩廣總督偕姚制府取金門廈門有功鄭氏既降又奏通洋舶立十三行諸番商賈粵東賴以豐庶後以事去官降副都統

仁廟北征噶爾丹

嘯亭雜錄

卷五

吳留村

十八

命公轉餉公素知塞外山川因命運卒走捷徑先達軍中時

御營絕糧已數日

上大喜謂理密親王曰吾父子有濟矣詢運官名近臣以公對

上曰究竟舊臣可恃也擢福建巡撫未數月卒公既感良王恩歲

時修僚屬禮甚恭王建邸奉

旨命天下督撫資助公毫無獻納王怪之及邸成公進簾榻古玩

諸物價逾萬金設之庭寢無不合度蓋公豫令人丈量製辦也王意釋然雖小節其敏捷如此

成容若

成容若 德 納蘭太傅長子中康熙癸丑進士為侍御素嗜
丹鉛與諸名士交初不干預政事惟吳漢槎謫戍黑龍江
侍御閱顧貞觀舍人寄吳小詞甚淒苦惻然曰都尉河橋
之作子荆楚雨之吟並此而三矣此事三千六百日中弟
當任之貞觀曰人生幾何顧以十年期乎侍御乃白太傅
援例赦還一時賢名大著又刻宋元明諸家經解數千卷
名通志堂九經解

韓大任

韓大任歸降後

嘯亭雜錄

卷五

成容若

韓大任

趙勇略

十九

仁廟以其為吳逆將留為內務府包衣參領後隨佟忠毅公

國綱

征噶爾丹官兵已勝而伏賊猝發忠毅公殉於陣大任曰

吾聞臨陣失帥兵家大罪吾以叛逆之黨久合誅戮蒙

上恩不死得延殘喘十載豈可坐必死之律白頭脫帽復對獄

吏乎以此殘軀貽芳後世可也因以花布巾蒙頭馳入賊

陣手刃數十人然後死時吳逆將馬保降

命九卿會鞫有某將軍曾為所敗亦在坐保昂首曰某帥愼勿多

言吾雖不識面而識汝背矣蓋譏其敗潰也某為之赧顏

趙勇略

趙勇略

良棟

甯夏人年二十四歲以武勇受知於陝甘總

督孟喬芳從英王征陝授潼關遊擊再隨大學士洪承疇
征雲南遷副將軍康熙元年平西王吳三桂奇公奏推廣
羅鎮總兵公知三桂必反以疾辭三桂大怒欲劾誅之總
兵沈應時異詞解免旋補天津總兵官十三年三桂叛陝
西大震甯羌惠安兵變殺經略提督

仁廟命公征之議者疑公陝人不可信公請留家口於都而已率

勁兵前往

上許之時官兵敗散屯堡荒廢公沿路曉示招兵歸原汛劾貪墨

嘯亭雜錄

卷五

趙勇略

二十

募健兒軍威大振斬首逆熊虎等四人甯夏平上疏奏蜀
爲滇黔門戶若不先恢復則滇黔路不通請乘勝進兵

上許之公率兵抵密樹關遇賊敗之擒其將徐成龍遂取徽縣過

高山深箐數十里晝夜兼行抵白水壩時康熙十八年除
夕也壩爲川江上流與昭化唇齒俗號鐵門檻賊防守尤
力沿江立營爲石圍木柵設礮以待公下令曰元巨渡江
大吉違者斬黎明公騎驃馬率麾下五十人橫刀渡江江
淺萬馬騰簸波濤盡立呼聲震天賊連發礮傷數十人無

敢回顧者賊大驚曰老將軍令如山不可抗也方半渡天

忽風吹馬如吹舟頃刻抵岸斬賊將郭景儀等獲旗幟器械馬匹無算餘賊奔竄追之再勝於石峽溝十日而克成都入城秋毫無犯收金銀印二百六十偽劄千奏繳之
上大喜手詔褒美加勇略將軍兵部尚書總督雲貴公密奏滇黔倚蜀爲捍蔽今蜀已得而三桂新死宜乘機速進

上許之當是時

王師征滇貝子彭泰自貴州進兵滇池將軍賴塔自廣西進兵黃草壩滿漢兵十萬餘圍城九月未下米斗四金月需米六萬石公至軍卽向貝子陳三策其一稱我兵匝圍太

嘯亭雜錄

卷五

趙勇略

五

遠自歸化寺至碧雞山東西七十餘里呼調不靈宜掘裏濠相攻逼其一稱欲取內城先破外護使賊匹馬不可出方可招降其一降者宜分別收養不宜盡發滿洲爲奴貝子不悅以滿語駁_詰而公又不解睜目抵牾幸公已奏聞

詔下悉如公策貝子不得日與兵二千攻得勝橋公望見橋頭礮臺甚密白晝攻之所傷必多乃伏馬兵於南壩兩岸分步兵爲三隊結營立壕牆牆上架火槍子母礮身披厚棉持大刀督陣夜二鼓攻橋賊盡出死戰其帥郭壯圖親搏戰三進濠牆而伏兵三起應之列炬如星槍礮雨下賊敗走

公奪橋進至三市街再敗之天猶未明也平旦入東南二
門郭壯圖自焚三桂孫世璠自殺餘賊盡降雲南平公本
秦人性戇取蜀時見罪於將軍吳丹丹爲明珠姪珠心怵
之授意兵部抑公功公復屢疏爭珠使其黨御史龔翔麟
劾以大不敬宜坐斬

上優容之

命乞骸歸里

上征噶爾丹時

幸其邸問方略以行敘功封一等子嘗

嘯亭雜錄

卷五

趙勇略

南征小校

三五

論侍臣曰趙良棟果良將也惟性褊狹與人每多齟齬朕不用實
保全之歸數年卒諡襄忠乾隆中

純廟念其功加封其嗣趙曰泌一等勇略伯

南征小校

大兵討吳逆涿州小校充軍以行校初入伍無他技惟善
烹飪故留爲軍士具食一日熟飯初熟賊劫營入衆奔潰
校倉皇恐無餘糧以飯囊繫馬後囊蒸馬背馬咆哮轉入
賊隊賊將驚懼我兵因轉敗爲勝大破賊衆主將嘉之拔
爲隊長後累功至護軍參領李靜軒先生少猶見之其人

自述顯末不諱

索明二相博古

索額圖明珠並相權勢相侔互相仇軋後索以事伏法明爲郭制府瑋劾罷天下快之然二相皆有絕技索好古玩凡漢唐以來鼎鑊盤盞眞贋見之立辨無敢欺者明好書畫凡居處無不錦卷牙籤充滿庭宇時有鄴架之比

索家奴

索相性貪下屬多以賄進然有謀略三逆叛時公料理軍書調度將帥皆中宵要吳逆患之密遣刺客刺之公正秉嘯亭雜錄

卷五

索明二相博古

索家奴

二十三

燭治軍書見一修髯偉貌者立其傍問曰汝得非吳王刺客乎客長跪頰首公曰然則取吾頭客曰若果害公早取公首去不待公命也吾至良久見公批示軍機咸如親見料理軍書竟夕不寐誠良相也某雖愚豈敢刺良相因反接請死公笑揮之去次日投公邸中爲奴執役甚恭公驅使無不如意後公下獄潛入獄饋飲食及公伏法客料理喪殮事畢痛哭而去不知所終按此事可比張魏公然張以忠貞立朝名播後世公乃苟直不禁致于

國紀反有負於客所望矣

圖爾泰

康熙中滿洲科臣圖爾泰葉赫巨族也與明珠同族不善其所爲嘗劾奏滿臣權重漢六部九卿奉行文書而已滿人警效無敢違者殊非立政之體以忤權臣謫黑龍江公素尙理學於戌所自置周程四先生祠朝夕禮拜人笑之不顧也亦可覘其行矣

吳廷楨

吳太史

廷楨

爲諸生時以詩鳴宋漫堂尙書賞之

聖祖南巡迎

嘯亭雜錄

卷五

圖爾泰

吳廷楨

三十四

駕於郊宋指以奏曰此吳中才子也

上命扶上

御舟面試以

聖駕巡幸爲題限江韻吳應聲曰龍舟綵鷁動旌幢

聖主巡方至越邦

上問侍臣舟至何處對曰已至吳江公續曰民瘼關心忘處所侍

臣傳語到吳江

上笑曰卽景生情真才子也

賜舉人

噶禮母

康熙中兩江總督噶禮滿洲人貪貲巨萬嘗為其母造金絲帳以母素奉佛畜女尼數百而母暱少子不喜禮所為後與張清恪公伯行互劾

聖祖初石禮置張公獄吳民素服張公從行數千人至

暢春園為張公請命

上益厭張沽名會問

安於

孝惠章皇后宮禮母乃

屬亭雜錄

卷五

噶禮母

施青天

二十五

后近戚適進見

上遇之詢禮與張齟齬故母乃言其貪狀且白張寬

上怫然曰其母尚恥其行罪不容誅矣置禮於法復起用張母後

貧糞織紵為生其族咸歸怨之時謹曰噶禮之母為禍之

祖然母亦賢矣哉

施青天

施漕帥

世綸

有權術尹京兆時金吾帥託公

和諾

行驕縱

轎前常擁八駟施遇諸途乃拱立道旁長揖以俟託驚駭

下轎問之施忽厲聲曰

國制非王公不設駟馬吾以爲諸王至此拱立以俟執意汝
也欲劾之託謝乃已同時于襄勤公成龍皆名盛一時俗
呼曰施青天

劉孝廉

吳夔倫學士言康熙中有劉孝廉名祜河南人善風角占

仁廟召直蒙養齋欲授以官孝廉屢辭隨

上北征餉乏

上命孝廉卜之曰不出三日定至果如言又從

嘯亭雜錄

卷五

劉孝廉 德濟齋夫子

字六

幸灤陽一日踉蹌至

宮門請

上速徙高處避水厄時方晴霽夜間山水驟發果冲及

行宮又善風鑑嘗謂張文和史文靖皆異日太平宰相壬寅

冬乞假歸省至冬月望日命家人製縗服向北哭竟日及

哀詔到止

仁廟崩之二日後孝廉卒於家

德濟齋夫子

本朝宗室任外吏者以簡儀親王爲最賢王諱德沛鄭莊親

王齋應龔公爵讓其弟入西山讀書怡賢親王薦於朝
世宗聞而異之

召見問所欲曰願百年後食

孔廟冷肉耳

上奇其言任戶部侍郎後歷封疆以廉能著每到處務立書院聚

徒講學嘗曰人心為風俗之本未有人心澆漓而風俗樸

厚者今世不患乏才患人心不古非講學無以明之如使

風化日移勝紛據呬唔之學多矣與河督高斌議不合高

欲歲減革沙船王力持之不得語先人曰古人制度安可

嘯亭雜錄 卷五 德濟齋夫子 德濟齋建園亭 二十七

輕易改革吾年不及見汝異曰當思吾語癸酉秋水漫漲

張家路頭果如王所料時王薨二年矣後河患日增至竭

海內脂膏猶無補於以服王之先見講學家尊之為德濟

齋夫子云

德濟齋建園亭

德濟齋夫子薨簡親王爵時邱庫儲銀數萬兩王見詫謂

長史曰此禍根也不可不急消之無貽禍於後人因散給

族中人若干兩餘建造別墅亭榭故鄭邸園亭最勝皆王

所建也

醉公

睿忠親王曾孫名

塞勒

性爽伉嗜酒雖朝會氣猶醺然人

呼為醉公然遇大事多直鯁康熙戊戌理邸以罪黜東宮

虛位

聖祖命諸臣集議時廉王凱觀大器揆敘王鴻緒左右之公憤怒

起於坐大聲曰惟有立

雅親王蒼生始蒙其福眾憬然後

世宗卽位

召公責之曰當日汝言幾危朕躬然忠鯁可嘉也公免冠謝曰臣

嘯亭雜錄

卷五

醉公

先修王善書

三

一時愚直自不能遏抑耳乾隆戊戌復睿邸追贈公王爵

世宗

先修王善書

先祖修親王幼秉母妃教習二王書法薨時先恭王尙幼

多遺佚余嘗觀王所書心經用聖教序筆法體勢遒勁又

書友竹說會心齋言志記皆用率更體蓋倣王若霖筆意

遵時尙也又善繪事洪大令慶祥家藏王所繪白衣觀音

像趺坐正襟莊嚴古淡當時贈其祖農部公德元者惜所

傳無多

徐文定公

徐文定公元夢舒穆祿氏揚武勳王裔公生時父夢一老

叟至自云徐姓因以命名公中癸丑文進士與韓慕廬同

登高不逾人性和藹遇大節侃侃如也雍正中廉王允禩

貝子允禵以覬覦大器貶南少鐘一報啓更不

世宗命諸大臣議其罪公首言二王之罪誠不容誅願

皇上念手足之情暫免一時之死等語情詞肫摯

上為動容尋以罪謫中書舍人公即抱素牘持鉛管從事諸同侶

有遜之者公曰此僕之職敢不黽勉退與諸舍人講寅誼

其不苟如此孫舒文襄公復以勲業稱於世

嘯亭雜錄 卷五徐文定公 史文靖公 鄂西 一五

林用人

史文靖公胎直器量宏大風度端凝嘗有不時

宣召公雅步如常或促之公曰天下安有奔迫宰相耶人服其有

體

鄂西林用人

鄂西林相公爾泰節制滇南七載一時智勇多出幕下公

嘗命張制府廣泗征花苗開筵設樂談笑竟日而不及兵

事及暮張不得已請將略公愀然曰老夫誤用人矣夫轉

運糧糧備整甲仗惟老夫是問至於兵機難測轉瞬變易

惟在臨事處決安有豫定機謀而能勝人者哉張懾服他

如哈軍門元生董將軍芳皆出其幕為一代名臣此數人

至其家皆執灑掃賤役其家亦備僕視之如郭汾陽之於

李西平馬北平也

漢人任滿缺

雍正中滿洲副都御史缺出

憲廟命九卿密保鄂文端公保許公希孔宜任風憲

上曰彼漢人礙於資格鄂曰風憲衙門所關甚鉅臣為朝廷得人

計初不論定制也

嘯亭雜錄

卷五

漢人任滿缺

傅閣峯尚書

三十一

上乃用之

傅閣峯尚書

傅閣峯諱

兼

號爽齋姓富察氏世以武略起家公眉目英

朗倨身而揚聲精騎射讀書目下數行年十六侍

憲廟於藩邸驂乘持蓋不頃刻離雍正元年補兵部右侍郎年大

將軍以驕汰誅窮其黨公謂廷臣曰元惡已誅齋從罔治

兼侍

上久能知

上用心儻諸公心知其寃而不言非

上意也諸王大臣以公言平反無算隆科多獲譴公言其子岳興阿無罪

世宗疑公與隆交厚謫戍黑龍江公聞命負一篋步往率家僮斧薪自炊先是公在

上前論準噶爾形勢

上不以為然用兵數年所言驗乃

召公還予侍郎銜

上違和醫藥皆公掌之十年春命公監馬爾賽軍賊為超勇襄親

王敗於光顯寺山拜達理遁公請於馬曰賊敗亡之餘可

嘯亭雜錄

卷五

傅閣峯尚書

三十一

唾手取也竄雖遠來馬疲猶能一戰願大將軍給輕騎數千助彘事成歸功將軍事敗竄受其罪馬嘿然再三催之不應公長跽以請馬戚副帥李杕曰違將令者斬公憤激率兵開城出而賊已先遁以馬病不能窮追事聞

上大悅賜孔雀翎移佐平良郡王軍斬馬爾賽以狗會賊有求降意而盈廷諸臣皆欲罷兵

上問公公叩首曰此社稷之福也

上意遂定卽命公偕都統羅密侍郎阿克敦往時戰爭連年虜氛

甚惡窮沙萬里雪沒馬鼻行人迷路認人畜骨而行公聞

命馳抵策零部落噶爾丹策零坐穹廡紅氍毹爲褥金龍
蟠壘高五尺侍者貂蟬持兵女樂數行彈琵琶獻酒公從
容宣

詔音響如鐘賊酋伏地觀者萬計皆膜手指夷言曰果然中國
大皇帝使臣好狀貌也

詔劃阿爾泰山爲界策凌曰阿爾泰山不毛之地中國奚用我
先人披荆棘厲血刃與喀爾喀爭豈忍棄之公曰以爲若
不念先人爾若肯念先人更善昔我

聖祖征噶爾丹通好兩國爾國主伐叛助順縛噶爾丹來獻在途

噶亭雜錄

卷五

傅閣峯尙書

三五

病死兩國震於

天威卽獻阿爾泰山地方中國受之置驛設守已有年矣今猶有
是言是非背

大皇帝乃是背爾之先人豈非大不祥乎策凌語塞思以利害
動公乃集十四鄂托十四宰桑而見公曰議不成公不歸
矣公叱曰出嘉峪關而思歸者庸奴也某思歸某不來矣
今日議集萬世和好不策三軍暴骨一言可決而議議如
兒女子吾爲爾王羞也諸酋相目以退翼曰策凌如約繕
表求公轉奏並遣宰桑回來獻橐駝明珠等物和議乃定

純廟卽位遷刑部尚書以事免公接下寬而雜事上剛而戇仇爽
自喜好聲矜賢簡節而疎目故每撓禍焉果毅親王任事
時警效所及九卿唯唯公在坐王發聲未畢輒拒曰王誤
矣王不能堪

憲廟責公曰汝知果親王何語而又誤耶公亦不能答

佟國舅恭謹

佟國舅 維綱

孝康章皇后幼弟性謹恪雖屢擢重任不欲攬權暇惟延學士講

文藝爲樂沒後

嘯亭雜錄

卷五 佟國舅恭謹

年羹堯之驕

三三

憲廟手書仁善勤恪額於墓道以旌之

年羹堯之驕

年大將軍 羹堯 受

憲廟知遇以平青海功封一等公金黃服飾三眼花翎四團龍補

其子年富封一等男其奴魏之耀賞四品頂帶年旣承

天眷寢驕縱入京公卿跪接於廣甯門外年策馬過臺不動容王

公有下馬問候者年領之而已至

御前箕坐無人臣禮

上皆優容之而年猶不悟至書夕惕朝乾爲朝惕夕乾語意干指

斥故

上決意誅之籍沒曰其家蓄婦女舊包頭數篋云欲作綿甲者又

有刀劍無算

命其交將印於岳威信時遲三日始付出或云幕友有勸其叛者
年夜觀天象嘆曰事不諧矣始改就臣節其降爲杭州駐
防防禦時日坐湧金門側鬻薪賣菜者皆不敢出其門曰
年大將軍在也其餘威尙如此實近世勳臣所未有

岳威信獲罪始末

岳威信公佩撫遠大將軍印以奉

嘯亭雜錄

卷五

岳威信獲罪始末

三四

旨入觀命提督紀公

成斌

權篆會準夷入寇擄馬駝萬餘爲總督

查郎阿所發遂禡岳公爵置紀於法嘗聞老卒云岳旣入

朝紀以滿洲人強勁以駝馬命副參領查廩領卒萬人驅牧

廩性懦蕙畏邊地寒以偏裨五十人放牧已率眾避寒山

谷間日置酒高會爲樂準夷入寇偏裨報廩廩笑曰鼠盜

不久自散按兵不往及馬駝被擄廩聞信棄軍去過曹總

兵勳壘呼曹救之曹性急率兵往爲賊所敗單騎奔賴蔭

提督建

率本標卒追之轉戰七晝夜敵始却廩見紀皆委

罪於曹紀笑曰滿洲人之勇固如是耶收縛將斬之岳公

至紀告其故岳公驚曰君今族矣滿洲爲國舊人吾儕豈
可與抗以干其怒耶解廩縛以善言諭之委罪於曹斬之
以徇而以捷聞廩反恨公次骨會查制府巡邊故廩戚也
廩因控岳公諸不法事及紀公掩敗爲功狀查據以入

告

憲廟大怒斬紀於營置岳公詔獄而廩竟得苟免

方靈臬之直

方靈臬先生受

世宗知以罪僂而致卿貳性剛躉遇事輒爭嘗與履恭王同判禮

晴宮雜錄

卷五

方靈臬之直

三五

部事王有所過當公拂袖而爭王曰禿老子敢若爾公曰

王言如馬勃味王怒入

奏

上兩罷之往謁查相國其僕恃勢不時稟公大怒以杖叩其頭血

涔涔下僕狂奔告相公迎見公云君爲

天子輔臣理宜謙沖恭敬款代下僚豈可縱豪僕以忤

天子卿貳公誤多矣怫然欲去查長揖謝之乃已後復至查耶

其僕望之卽走曰舞杖老翁又來矣公立朝甫一載政多

匡禰嘗密薦來相公

保魏尚書

廷珍

方敏愨公

觀承

顧河

師璩 方中丞 世俊 於朝後皆為名臣世人皆以文士待公
初不知其直鯁若此

安王好文學

安節郡王諱

瑪爾渾

安親王

岳樂

世子少即好學毛西河

尤西堂諸前輩皆游讌邸中著有敦和堂集又選諸宗室
王公詩為宸襟集行世今杭大宗道和堂集中載延接閣
百詩誤以為

憲廟事

憲廟居藩邸時從不引見外人

嘯亭雜錄

卷五

安王好文學

三十一

硃批諭旨甚明况

御製集中亦無贈閻百詩四律蓋王曾受業於閻百詩飾終之禮

甚備而俗呼安王邸為四王府致沿訛傳誤

婁真人

婁道人

近垣

江西人 蕭叔中著評好味堂集又野語卷三

憲廟召入京師居光明殿有妖人賈某為患婁真人設醮祈禱崇

立除又在

上前結幡招鶴頗有左驗

上喜之封妙應真人真人雖嗣道教頗不喜言煉炁修真之法云

此皆妄人借以謀生耳焉有真仙肯向紅塵中度世耶先
恭王延至邸問養生術真人曰王今錦衣玉食卽眞神仙
中人席上有燒豬真人因笑曰今日食燒豬卽絕好養生
術又奚必外求哉王深服其言曰婁公爲眞學道者始能
見及此年九十餘始逝

勇健軍

雍正中西虜未靖

上召天下壯士得數千人其最者能開二十石弓以鳴鏑射其胸

鏘然而返又能開鐵胎弓及舉力千斤者號勇健軍命史

肅亭雜錄

卷五

勇健軍 蔣生

文靖司之屯巴里坤以備不虞後西夷來朝始罷此軍故

當時盜賊稀少四海靖謐論者謂

帝善牢籠勇士不使爲非也

蔣生

年大將軍 羹堯 鎮西安時廣求天下才士厚養幕中蔣孝

廉 衡 應聘往年甚愛其才曰下科狀頭當屬君蓋年聲勢

赫濯試官皆不敢違故也蔣見其威福自用驕奢已極告

同舍生曰年公德不勝威禍必至吾儕不可久居於此友

不聽蔣僞作疾發辭歸年驢以千金蔣辭不受易百金乃

受歸未踰時年以事誅幕中皆懼其難年素侈用不及五百者不登簿蔣故辭干而受百

劉海峯

劉海峯先生諱大榭桐城人古文名家少以文謁李穆堂

侍郎紱驚曰五百年無此作者歐蘇以來一人而已其見

重如此舉博學鴻詞科鄂文端公爾泰業經首選張文和

公廷玉惡其才曰此吾鄉之浮蕩者因易劉文定公先生

遂落拓終身居京邸其弟館於明太傅家先生素惡權貴

乃避居朱都統瀚宅破壁頽垣泊如也先恭王重其品

嘯亭雜錄 卷五 劉海峯 橫閤侍郎 三六

終身執弟子禮甚恭而先生歸鄉後音書杳然高致可想

橫閤侍郎

雍正初年大將軍羹堯寵眷甚渥嘗入京陛見

世宗命於

正大光明殿閱朝考卷時復有所

宣詔殿庭深邃繞出前庭路頗紆折年方起座聞後楹丹展四扉

欵然洞開視之則某侍郎橫閤其傍蓋啟扉以便其行也

時謂之橫閤侍郎

先恭王彖訓

先恭王襲爵垂五十年勤儉如一日黜侈華甘淡泊出處
有恆雖盛夏不去冠嘗曰吾心如權事至皆量其輕重然
後理之又曰凡秉政宜開人生路不可博公直之名裁抑
仕途使進取之士壅滯怨望時和相當朝每苛責士子先
王不以爲然嘗誠榘曰朝廷減一官職則里巷多一苦人
汝等誌之某相國當權時與余邸爲姻戚先王惡其人與
之絕交素善劉文正襄文達曹文恪諸公每訓榘必以諸
城爲式文恪薨王親臨其喪壬戌冬路過三河旅店見壁
有文達詩挑燈屬和泫然淚下善料事甲午秋王倫叛於
嘯亭雜錄

卷五 先恭王家訓

壽張北上圖臨清王笑曰賊不西走大名下淮揚而屯兵
堅城之下自敗之道也逾旬果爲舒文襄公所滅又石峰
堡固民叛王曰西北用兵當決水道使自斃後阿文成公
果用此計破賊緬甸用兵王嘗咎其不用火攻後榘見明
參政亮述先王言公曰當時吾屢言於文忠叔奈蠻地匝
月無風難行亦天意耳又與先王言不謀而合也

劉文正公之直

劉文正公統勳乾隆年中久居相位頗爲

上所倚任公性簡重有古大臣風嘗有世家子任楚撫歲暮餽干

金公呼其僕入正色告曰汝主以世誼通問候其名甚正
余承乏政府尚不需此汝可歸告汝主留贈故舊之貧實
者有貲郎昏夜叩門拒不見次早至政事堂呼其人至責
曰昏夜叩門賢者不爲汝有何稟告可眾前言之雖老夫
過失亦可箴規其人囁嚅而退薨時

上親奠其宅門閭湫隘去輿蓋然後入

上歸告近臣曰如劉統勳方不愧眞宰相汝等宜效法之

劉文清公

劉文清公壙文正公少時知江甯府清名播海內婦人

嘯亭雜錄

卷五

劉文正公之直

劉文清公

四

女子無不知者至以包孝肅比之入相後和相專權公以
滑稽自容初無建白

純廟召見新選知府戴某以迂疎不勝方面因問公公以也好對
爲

上所斥謝鄉泉侍御頗不滿其行至以否卦彖辭詆之語雖激烈
公之改節可知矣然年八十餘輕健如故雙眸炯然寒光
射人薨時無病是日猶開筵款客至晚端坐而逝鼻注下
垂寸餘亦釋家所謂善解脫者余初登

朝猶及見其辛度一日立

宮門槐柳下余問朱文正公五矢之目朱未答公喟然曰君
子務其大者遠者君今以宗臣貴爵所學者自有在奚必
津津於象物之微哉宜朱公之不答也老成之見終異於
衆

衛司空

衛司空

哲論

歷任封疆以廉能著撫粵西時謝侍御

濟世

子犯法公鍛鍊其子因波及侍御袁簡齋太史曾作書規
之劉文清公亦言其官每高一階而其品乃下一級蓋亦
不能自守之士然先恭王親見其召對

嘯亭雜錄

卷五

衛司空

朱文端公救舒文襄 四十一

純廟間近日封疆大吏臧否公自謝無狀

上言姑置汝勿論孰爲最劣公對曰惟江西巡撫阿思哈耳時阿
寵眷最渥而公敢撻之亦難能也

朱文端公掾舒文襄

乾隆乙亥阿逆投誠舒文襄公

赫德

時任定邊將軍請將

其家屬分置蘇尼特等近地以爲羈質

純廟大怒謂其分散骨肉有傷遠人心命近侍封刀斬之朱文端

公軼聞

命推扉而入力言人材難得舒某雖一時過慮然平日辦事勤謹

請援議能之典

上曰命下已踰日恐難返公曰即命臣子成麟追之

上可其請公出謂其子曰追不及汝勿返也成麟故勇往即於馬

前割袍前襟馳騎而往至潼關追前命歸傳文忠公恒告

人曰朱公誠仁者之更是日雖恆百輩無濟於事也

盛司寇

盛司寇安滿洲人以科第游卿貳頎然盡立鬚眉蒼然以

古大臣自命戊辰春

孝賢純皇后崩時周中丞學健塞制府楞額以違

嘯亭雜錄

卷五

盛司寇

四三

制薙髮交刑部治罪又錦州守金文淳稟命於府尹薙髮事

發

純廟震怒立命誅之公叩首請曰金小臣罔識

國制目請命大僚然後薙髮情可矜恕請

上寬之

上怒曰汝為金某游說耶公曰臣為司寇但知盡職並不識金某

為何如人如枉法干

君何以為天下平也

上大怒命侍衛反接公赴市曹與金文淳同正法公長笑惟曰臣

朝廷恩而已

上悔悟命近臣馳騎並金赦之公施然叩謝如常時市曹屬目曰

此真司寇也次日

上卽命公入

上書房傳導諸皇子曰盛安尚不畏朕况諸皇子乎真師保之妙選也

阿文成公用人

阿文成公屢膺擢伐平定絕域為近日名臣之冠其拔擢
嘯亭雜錄 卷五 阿文成公用人 四三

人才或於散僚卒伍以一二語賞識卽登薦牘故人樂為
用與將軍奎以將校從事公奇其貌曰此將材也與副將

劄命攻剋某嶺卽曰克捷後卒為名將如王述庵司寇昶

韓桂船司寇對百菊溪制府齡朱白泉觀察爾廣額皆以

微員致顯貴聞其於軍務倥偬間惟於幕中獨坐飲酒吸

烟秉燭竟夜或拍案大呼愀然長嘯持酒旋舞則次日必

有奇策驅使將士破強敵其立功者或獎以數語或償以

糕果而其人感激終身甘與效死盡前數日自知死期於

誕辰置酒作樂終日訓子孫以名節曰余從此長訣不復

訓爾等矣病篤取所著兵書詩文稿盡命焚之曰無以此
誤後人余往弔見其廳第湫隘居然儒素較萬厦巍然者
薰猶自別李文靖廳前僅容旋馬公無愧焉

阿文成公相度

阿文成公與和相同值軍機大臣十餘年除

召見議政外毫不與通立

御階側公必去和十數武愕然獨立和就與言事公亦漫應
之終不移故處安南國王阮光平至京遣其臣魏公土儀
公取一二物語使人曰中朝公相問陪臣好汝國王既誠
嘯亭雜錄 卷五 阿文成公相度

聖

心朝覲其優賚厚寵皆出自

皇上

體恤遠人之意莫謂中朝相公不識順逆二字也陪臣汗

流浹背謂人曰此誠宰相語公有

上賜馬

一日脫韁去圍人入告公方觀書曰覓之既獲復命公徐

曰好讀書如故其度如此

舒文襄公豫定阿逆之叛

舒文襄公以分置阿逆家屬獲罪降爲馬卒公卽荷戈執

勒與士卒同伍及聞班忠烈公

第

密劾阿逆事曰阿逆叛

志已決不可使得其家屬付虎以翼余雖得罪曾任大臣

出疆專命之罪余甘任之乃部屬士卒圍其營帳阿逆果
夜率衆至欲擄其家屬牧廠我兵爭先用命阿知有備跟

鎗遁

上聞之大喜復其位

奎壯烈

奎壯烈

孝賢純皇后姪以椒房甲第勇力過人兄果烈公

明瑞

殉節滇南

故

純廟不使臨戎而公乞恩者再至痛哭殿陛間願殺賊復仇

嘯亭雜錄

卷五

舒支襄公豫定阿逆之叛 奎 四五

上為動容後從征緬甸金川皆以趨捷建功及任伊犁將軍好縱

酒集衆官飲不勝者灌之至登屋瓦上與近侍酣飲有犯

法者剝皮揉以鹽號痛竟日始斃為海祿劾罷後又從征

廓爾喀疽發於項仍力疾從軍孫文靖公 士毅 往視其疾

公執手曰疾何必問大丈夫不能馬革裹屍殲磔牀簣亦

可醜也至卒惟以軍務未戡為憂語不及他性耽書史好

作小詩有曹景宗之風嘗讀元史王述菴侍郎問所慕公

曰耶律文正非余所及得及王保保之忠貞足矣

克勤郡王墓

克勤郡王諱 岳託 先烈王長子壬午冬從征山東薨於途

喪返

文廟痛甚及葬

命開其隧道以便歲時

賜奠撫柩而哭故壙至今未封以誌

榮遇

純廟及

上東幸皆

親往

嘯亭雜錄

卷五

克勤郡王墓 阿文成公用兵 四六

賜奠焉

阿文成公用兵

乾隆辛丑夏撤拉爾回民叛

上命阿文成公征之時文成公視浙江海塘工未畢

上命和相往攝篆和自負其才每發一議眾輒沮之及公至和出

迎公問其失機狀和赧然曰將帥皆傲慢不為用公請試

之公曰然則斬耳和復問進兵狀公笑不答令諸將次日

清晨集轅門命和坐其側每呼一將調撥及屯戍輒應如

響和甚恚憤公部署畢問和曰諸將初不見其慢尙方劍

將誰誅和卽日銜

命歸銜公次骨終身齟齬肇興於此

嘯亭雜錄

卷五

阿文成公用兵

四七

嘯亭雜錄卷五終

